



Broj/Број: 01,02-50-1-18-9/08
Sarajevo/Сарајево, 7.5.2008. godine

ZAPISNIK

9. zajedničke sjednice oba doma Parlamentarne skupštine BiH, održane 7.5.2008. godine, s početkom u 12.40 sati

Prisutni članovi Parlamentarne skupštine BiH: 33 poslanika iz Predstavničkog doma i 14 delegata iz Doma naroda Parlamentarne skupštine BiH.

Opravdano odsutni poslanici iz Predstavničkog doma: Šefik Džaferović, Martin Raguž, Jerko Ivanković Lijanović, Sefer Halilović, Rifat Dolić, Milica Marković, Savo Erić, Momčilo Novaković, Branko Dokić.

Opravdano odsutni delegati iz Doma naroda: Hilmo Neimarlija.

Prisutni članovi Vijeća ministara BiH: Tarik Sadović, ministar sigurnosti BiH, Bariša Čolak, ministar pravde BiH, Božo Ljubić, ministar komunikacija i prometa BiH, Igor Crnadak, zamjenik ministra odbrane BiH, Fuad Kasumović, zamjenik ministra finansija i trezora BiH, Srđan Arnaut, zamjenik ministra pravde BiH, Vilim Primorac, zamjenik ministra vanjske trgovine i ekonomskih odnosa BiH.

Ostali prisutni: Predstavници međunarodnih organizacija u Bosni i Hercegovini: OHR-a, OSCE-a, EUSR-a, DFID-a, i predstavnici nevladinih organizacija CCI-a i NDI-a.

Sjednicu je otvorio i njome predsjedavao Milorad Živković, predsjedavajući Predstavničkog doma Parlamentarne skupštine BiH.

U uvodnom izlaganju Milorad Živković upoznao je prisutne da je zajednička sjednica oba doma Parlamentarne skupštine BiH sazvana po hitnom postupku radi razmatranja Prijedloga zakona o izmjenama i dopunama Izbornog zakona BiH. Pojasnio je da 8. maja 2008. Centranj izbornoj komisiji BiH ističe rok za raspisivanje izbora, a kako se za provođenje izbora mogu primjenjivati zakoni koji su na snazi na dan raspisivanja izbora, Zajednički kolegij oba doma sazvaio je zajedničku sjednicu oba doma.

Istakao je da je Zajednički kolegij oba doma Parlamentarne skupštine BiH, u skladu s članom 95. stav (1) Poslovnika Predstavničkog doma i članom 88. stav (1) Poslovnika Doma naroda, utvrdio sljedeći

DNEVNI RED

1. Zahtjev poslanika: Beriza Belkića, Nike Lozančića i Milorada Živkovića te delegata Mladena Ivanića, Ilije Filipovića i Hazima Rančića za razmatranje Prijedloga zakona o izmjenama i dopunama Izbornog zakona BiH po hitnom postupku, u skladu s članom 127. Poslovnika Predstavničkog doma i članom 112. Poslovnika Doma naroda.

Milorad Živković upoznao je pristupne da je Zajednički kolegij oba doma Parlamentarne skupštine BiH postigao konsenzus da se rasprava na sjednici odvija prema odredbama Poslovnika Predstavničkog doma, koje podrazumijevaju diskusiju u trajanju do 10 minuta, te pravo na korekciju citata ili repliku dva puta u okviru jedne tačke dnevnog reda.

O dnevnom redu diskutirali su:

- **Jozo Križanović**, koji je zatražio da se u dnevni red uvrste i dva prijedloga zakona o izmjenama i dopunama Izbornog zakona BiH Kluba poslanika SDP-a;
- **Denis Bećirović**, koji je podržao zahtjev Joze Križanovića i zatražio tumačenje člana 95. stav (2) Poslovnika Predstavničkog doma;
- **Zlatko Lagumdžija**, koji se osvrnuo na poslovničke odredbe o načinu utvrđivanja dnevnog reda;
- **Milorad Živković**, koji je pojasnio da je dnevni red utvrđen u skladu s odredbama poslovnika oba doma Parlamentarne skupštine BiH, te da je on utvrđen konsenzusom Zajedničkog kolegija oba doma.

Nakon rasprave o dnevnom redu, Milorad Živković dao je riječ Berizu Belkiću da obrazloži zahtjev za hitni postupak.

Ad. 1. Zahtjev poslanika: Beriza Belkića, Nike Lozančića i Milorada Živkovića te delegata Mladena Ivanića, Ilije Filipovića i Hazima Rančića za razmatranje Prijedloga zakona o izmjenama i dopunama Izbornog zakona BiH po hitnom postupku, u skladu s članom 127. Poslovnika Predstavničkog doma i članom 112. Poslovnika Doma naroda

Beriz Belkić dao je kratko obrazloženje zahtjeva za hitni postupak. Daljnje rasprave o ovom pitanju nije bilo.

Nakon obrazloženja, pristupilo se glasanju o zahtjevu za hitni postupak. Prvo je glasao Predstavnički dom, a rezultati glasanja bili su sljedeći:

„za“	30	22 FBiH	8 RS
„protiv“	2		
“suzdržan”	0		

Predstavnički dom usvojio je zahtjev za razmatranje Prijedloga zakona o izmjenama i dopunama Izbornog zakona BiH po hitnom postupku.

Rezultati glasanja u Domu naroda bili su sljedeći:

„za“	13	9 FBiH	4 RS
„protiv“	1		
“suzdržan”	0		

Dom naroda usvojio je zahtjev za razmatranje Prijedloga zakona o izmjenama i dopunama Izbornog zakona BiH po hitnom postupku.

U raspravi o ovoj tački dnevnog reda učestvovali su: Sadik Ahmetović, Bakir Izetbegović, Mirko Okolić, Jozo Križanović, Adem Ibrahimpašić, Hadži Jovan Mitrović, Ekrem Ajanović, Sadik Bahtić, Slavko Jovičić, Remzija Kadrić, Zlatko Lagumdžija, Adem Huskić, Husein Nanić, Denis Bećirović i Božo Rajić.

Zlatko Lagumdžija je, u raspravi o ovoj tački dnevnog reda, predložio dva zaključka i zatražio da se o njima domovi očituju prije glasanja o Prijedlogu zakona o izmjenama i dopunama Izbornog zakona BiH.

Predloženi zaključci su:

1. "Poziva se Zajednički kolegij da odmah zakaže sjednicu oba doma da se po hitnom postupku Parlamentarna skupština BiH odredi o prijedlozima zakona po kojima bi se izmjene Izbornog zakona odnosile na cijelu BiH, umjesto samo na Srebrenicu i za naredni period umjesto samo za 2008. godinu.
2. Pozivamo Vijeće ministara BiH i visokog predstavnika da donesu odgovarajuće odluke i predlože Parlamentarnoj skupštini BiH potrebne akte kako bi Srebrenica dobila potrebni posebni status do održavanja lokalnih izbora na bazi pravnih i moralnih obaveza proizašlih iz presuda u Hagu o genocidu."

Korekciju citata (repliku) u okviru ove tačke dnevnog reda imali su: Milorad Živković, Mirko Okolić, Beriz Belkić, Bakir Izetbegović, Hadži Jovan Mitrović, Remzija Kadrić, Sadik Ahmetović, Slavko Jovičić, Sadik Bahtić, Ekrem Ajanović, Denis Bećirović, Salko Sokolović, Selim Bešlagić, Zlatko Lagumdžija.

Nakon rasprave o ovoj tački dnevnog reda, pristupilo se najprije glasanju o prijedlogu zaključaka poslanika Zlatka Lagumdžija.

Glasanje o Zaključku 1:

Predstavnički dom			
"za"	17	16 FBiH	1 RS
"protiv"	11		
"suzdržan"	3		

Zbog nedovoljne entitetske većine, Kolegij Predstavničkog doma će kao komisija provesti usaglašavanje o Zaključku 1.

Dom naroda	
"za"	3
"protiv"	10
"suzdržan"	1

Dom naroda Parlamentarne skupštine BiH, shodno rezultatima glasanja, nije usvojio Zaključak 1 poslanika Zlatka Lagumdžije.

Glasanje o Zaključku 2:

Predstavnički dom			
"za"	18	16 FBiH	2 RS
"protiv"	9		
"suzdržan"	3		

Zbog nedovoljne entitetske većine, Kolegij Predstavničkog doma će kao komisija provesti usaglašavanje o Zaključku 2.

Dom naroda

"za"	4
"protiv"	10
"suzdržan"	0

Dom naroda Parlamentarne skupštine BiH, shodno rezultatima glasanja, nije usvojio Zaključak 2 poslanika Zlatka Lagumdžije.

Nakon provedenog glasanja o predloženim zaključcima, pristupilo se glasanju o Prijedlogu zakona o izmjenama i dopunama Izbornog zakona BiH, a rezultati su sljedeći:

Predstavnički dom

"za"	28	20 FBiH	8 RS
"protiv"	2		
"suzdržan"	0		

Dom naroda

"za"	13
"protiv"	1
"suzdržan"	0

Parlamentarna skupština BiH je, shodno rezultatima glasanja, usvojila Izmjene i dopune Izbornog zakona BiH.

Sjednica je završena u 14,40 sati.

Sastavni dio ovog zapisnika je transkript 9. zajedničke sjednice oba doma Parlamentarne skupštine BiH.

Sekretar
Predstavničkog doma
Branka Todorović

Predsjedavajući
Predstavničkog doma
Milorad Živković